

Zeitschrift: Schweizer Soldat : die führende Militärzeitschrift der Schweiz
Herausgeber: Verlagsgenossenschaft Schweizer Soldat
Band: 91 (2016)
Heft: 4

Artikel: Schnitzelbangg 2016
Autor: [s.n.]
DOI: <https://doi.org/10.5169/seals-737756>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 09.04.2026

ETH-Bibliothek Zürich, E-Periodica, <https://www.e-periodica.ch>

Schnitzelbangg 2016

D Bundesrootswaal isch parat.
Und alles hofft uff e Sprängkandidat.
Doch es duet e kaine gee,
will dä hoggt no z Winterthur in dr
Moschee.

Käller-Assle

S Groosi vo Buckte lütet aa:
Mir hai e Buur im Bundesrot.
Dä zeigt s all dene Glöön in Bern,
wos in Zuekunft duuregoot.
Für s Kollegialitätsprinzip isch
dä Barmelin e Spitzekraft.
Als Wyybuur wäiss dä hoorgenau,
wie me mit Fläsche schafft.

Heiri

Wo d Terrorischte iber dr Zoll
sinn zue n ys ghoo,
het me es gfroggt:
Hänn iir au Waare mit eych doo?
E paar Kalaschnikow,
isch d Antwort ussem Kaare,
druff seit dr Zelnner:
Aha, ghai Flaisch, iir kenned faare.

Giftnuudle

Wo ych dr Blatter Sepp mit däm Pflaschter
gsee,
dängg ych mir nur – oh je mi ne.
Das Pflaschter uff synere Bage steert.
Das hätt by ihm doch
uff d'Schnuure gheert.

D'Clochard

Grexit, Konkurs vo Griecheland
Blexit, Konkurs von Baselland,
nur ka me sage, die arme Grieche
sinn wenigstens no glatti Sieche.

Diplfischysser

E Baselbieter sait z Athen:
«Ych bin uss Lieschdel, du verstee?»
«Yä, ych verstand», sait druff dr Griech,
«doo hesch Gäld, du arme Siech!»

Dr Spitzbueb

Im Zolli vo Ziiri isch en Aff verschwunde.
Me het schyyns das Dier bis hit nit gfunde.
Ich mach mer folgende Ryyim do druff:
In Ziiri fällt en Aff nit uff.

Bildsteerig

«What are the seven thinking steps»,
froggt Frau Martullo.
Und stoot am Rednerpult grad wie ne
wilde Bullo.

So wie am Stierkampf kunnt bi iire jede dra,
nur dass e jede Stier vyyl besser Änglisch
kaa.

Penetrante

Dr Helmut Schmidt
het 96zig Johr graucht wie ne Schloot.
Und isch topfit gsi – bis kurz vor em Dood.
Sy Läbe lang het dä Cigarette in
d Schnurre gsteegt.
Dr Fümöirverein isch scho nach drey Joor
vereggt!

Doggtter FMH

Wenn d Frau Martullo schwätzt,
denn döönt das rächt kommuun.
Me froggt sich scho: Isch das jetz
das Rumantsch Grischun?

Also yych verstand kai Woort. –
Do wyyst mi ain druff hii:

Das, won ych main,
das syg vermuettig Änglisch gsii. *Singvogel*

Es ryyimt sich bim Gyy Parmelin
Gyy uff Wyy und -in uff vin;
und sy Brueder syyg e Nätte.
Womit mr s Guete duure hätte.

Dr Spitzbueb

D WHO legt e Gsundheitsstudie uff e
Disch, dass s Wurschtässe worschynlig
läbensfähig isch.

Dorum brucht me Exit nümm,
die chasch vergässe.

Muesch eifach e dopplete
Wurschtsalat ässe.

Doggtter FMH

«Grüezi, do chönd's de Fischer gsee.
Bettware Au ... am Zürisee.»

Dä zeigt dert mit em Temparamänt
vomene doote Fisch, dass in Ziri s'Hinter-
land au nit vyyl besser isch. *Peperoni*

Bevoor sich d'Fifa no ganz ent-Blatteret
hett sich dr Blatter scho wider e Job ergatteret.
Drum wärde denn Kuehkämpf im Wallis
oobe, uff e andry Kuehwaid in Kuwait
verschooobe. *Fäärimaa*

Letschthi mach ych e Velotyryrli dur d'Stadt,
juhui, dasch glatt.

Pletzlig wird's mir yybel, ych muess fascht
kerble und wird ganz matt.

Bevor ych ab em Velo kipp, bin ych mir
doch no im Glaare:

Ych bi woorschyns

e weeneli z'lang hinter eme VW noche-
gfahre. *d'Schnapsbagge*

Also bim VW hänn's aim friehner scho
versegglet und gleggt

und hänn bim Käfer dr Motor statt vorne
hinde versteggt. *Dr Bäffzgi*

Patrouille Suisse an dr Tattoo Derniere:
Grund gnuet für paar zem sich beschweere.
Die Tiger sind halt scho no lut,
do gwaggle aim denn d'Oore.

Immerhin, do sind mir froh,
händ's kaini VW-Motoore.

Luuszäpfe



Basler Fasnacht 2016 – ohne Worte.